

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt V.

urn:nbn:de:hbz:466:1-15617

rationem revocandæ communionis inter occidentales & orientales. Attamen occidentalibus satisfactum est epistola synodica orientalium, quam ex Concilio Constantinopolitano scriperunt ad Damasum & ad synodus Romanam; qua Italos orant, non ut confirment ea quæ in hac synodo Constantinopolitana acta erant, sed ut caritate spirituali ipsi gratulentur propter ordinaciones Ecclesiarum Constantinopolitanæ, Antiochenæ, & Hierosolymitanæ, quibus præfecti fuerant Nectarius, Flavianus, & Cyrilus.

X I. Nunc referenda sunt verba epistolæ Concilij Italiae ad Theodosium, quæ edita est à clarissimo viro Iacobo Sirmondo in Appendix Codicis Theodosiani. Nam cùm cognovissent ad hoc partium venisse Maximum, inquiunt Itali, ut causam in synodo ageret suam, quod, etiam si inditum Concilium non fuisset, jure & more majorum, sicut & sancte memorie Athanasius & dudum Petrus Alexandrine Ecclesiæ Episcopi, & orientalium plerique fecerunt, ut ad Ecclesiæ Romane, Italiæ, & totius Occidentis configuisse judicium viderentur, cùm, sicut diximus, experiri velle adversum eos qui episcopatum ejus abuerant comprißent, præstolari utique etiam nostram super ea sententiam debuerunt. Non prerogativam vindicamus examinis; sed consensum tamen debuit esse communis arbitrii. Infra: Nec quedam nos angit de domestico studio & ambitione contentio; sed communio soluta & dissociata perturbat. Nec videmus eam posse aliter convenire nisi aut ē redatutus Constantinopoli qui prior est ordinatus, aut certè super duorum ordinatione sit in urbe Roma nostrum orientaliumque judicium. Neque enim indignum videtur, Auguste, ut Romane Ecclesiæ antistitis finitimerūque & Italorum Episcoporum debeant subire tractatum, qui unius Acholij Episcopi ita expectandum esse putaverunt judicium ut de occidentalibus paribus Constantinopolim evocandum putarent. Si quid uni huic reservatum est, quanto magis pluribus reservandum est. Nos autem à beatissimo fratre tue pietatis admoniti ut tue clementie scriberemus imperio, postulamus ut ubi una communio est, commune velit esse judicium concordantemque consensum.

CAPVT V.

Synopsis.

I. Orientales Episcopi nihil occidentalibus licere contendebant circa administrationem & gubernationem Ecclesiarum orientalium. quod canone scripto firmarunt in secunda synodo. Hujus autem institutionis ratio ea esse debuit, quod supremam esse contendenter

Conciliorum orientalium auctoritatem.

II. Prudenter se gerunt patres Concilij Constantinopolitani. Iuraprovinciarum & privilegia illustrissimarum Ecclesiarum conservant. Iudicia porro de disciplina fieri iubent supra auctoritatem synodorum unusquisque Diocesos. Exumerantur varia Dioceses utriusque Imperii.

III. Primacriminum Episcoporum cognitio pertinet ad synodum provincie secunda vero, ad Diocesanam. Exarchi convocabant synodos Diocesanas absque permisso Principis.

IV. Ecclesia hoc pauci liberata est à necessitate postulandorum ab Imperatore Conciliorum. Synodi itaque Diocesana, que anteas extraordinariae erant, & indigebant rescripto Principis, versus sunt in synodos ordinarias. Hujus institutionis, quæ nova erat, confirmationem ab Imperatore Theodosio petit secunda synodus.

V. Excipi potest canonem Constantinopolitanum non constitutre disertè duos gradus jurisdictionis in accusationib[us] Episcoporum. Soluitur hec obiectio, explicatio canonis.

VI. Ab una synodo Diocesana ad aliam provocare non licet.

VII. Nihil tamquam derogatum est juribus Imperatorum; qui, etiam post hunc canonicum editum, Concilia ex diversis Diocesibus congregarunt ad judicandas Episcoporum causas. At Theodosius Imperator confirmare noluit institutionem synodi Constantinopolitanae, que supremam potestatem in judicis de disciplina rendit tribuebat synodus unusquisque Diocesos.

VIII. Suprema synodorum unusquisque Diocesos auctoritas colligunt etiam ex epistola Cyrilli Alexandrini ad Domnum Antiochenum.

X. Concilium Chalcedonense novum in Oriente distinctionem introduxit. Iubes enim ut prima de criminis Episcopi cognitio instituatur in synodo provincialis; Metropolitani vero, apud Exarchum Diocesos, auctoritatem Constantinopolitanum. De dignitate sedis Constantinopolitana; que valde amplificata est in hac synodo. Gracis collectio non complectebatur canones Sardenses, neque etiam Africanos.

X. Distinctionem à Concilio Chalcedonensi introductam amplexus est Justinianus. Eo vero iure Graci semper usi sunt.

XI. Ex his que dicta sunt constat canones Sardenses nondum receptos fuisse in Oriente. Eos tandem synodus Trulliana recepit, sed cum modificatione quadam: tum ut ostenderet auctoritatem que Summo Pontifici tribuita erat in his canonibus, à Concilio Sardensem profectam, non autem à Niceno; tum etiam ut ostenderet eam restringi ad solum Occidentem.

XII. Eam tamen in universum orbem extendi debere contendebant Summi Pontifices.

HACTENUS manifestè probavit in ea sententia fuisse occidentales Episcopos ut existimarent communibus Orientis & Occidentis suffragiis definiendas esse querelas ab Episcopis illustrissimarum Orientis Ecclesiarum delatas in Occidentem. At isti semper obstinati animis contenderunt nihil occidentalibus Episcopis permittendum esse circa administrationem & gubernationem Ecclesiarum orientalium. Quæ auctoritas ut valentior

Rr ij

eset, eam canone scripto firmarunt in se-
tunda synodo Oecumenica, quæ prima est
Constantinopolitana. Primum enim orien-
tales Romanum accedere noluerunt, tametsi
per Imperatoris Theodosij literas accerfiti
essent, postquam Constantinopoli in unum
conventum esset. Cur autem ita ipfis pla-
citum fuerit, nulla alia probabilis ratio oc-
currit quam quod supremam esse contend-
erent Conciliorum orientalium auctorita-
tem. Vnde in epistola synodica ad Damas-
sum & ad synodum occidentalem non du-
bitant scribere se anno superiore Concilium
generale celebravisse, tametsi illud consta-
ret ex solis Episcopis orientalibus. Quapropter
in Concilio Aquileiensi recte dicebat
Ambrosius esse consuetudinem hujusmodi ut in
Oriente orientalium esset Concilium, intra Occi-
dentalium occidentalium.

II. Robustius urget canon secundus
Concilij Constantinopolitani, cuius auctoritas
ab Ecclesia universa recepta est. De-
cernit itaque quoniam modo peragenda sint
judicia canonica apud orientales, sive pro
depositione Episcoporum, sive etiam pro
reliquis causis quæ incident. Ordo autem
quem in his rebus prescribit, plenus pru-
dentia est, ac mirabili temperamento con-
ditus. Nam primùm jura provinciarum &
privilegia illustrissimarum Ecclesiarum eo
canone conservantur, juxta canones Ni-
canos. Tum Episcopis damnatis nova re-
media tribuuntur, multò commodiora &
faciliora quam ea quæ Concilium Antio-
chenum invenerat, cum se vota judicim
viserant, sive accedendo ad Imperatores ad
obtinendum novum Concilium. Nam in
eo Concilio jurisdictionum limites consti-
tuuntur juxta divisionem Dioceseon Imperij,
& suprema esse decernitur auctoritas
uniuersiisque Dioceseos in universis ju-
dicis de disciplina latiss. Diocesim cum di-
co, eo sensu eam dictionem usurpo quem
obtinet in legibus Imperatorum & in ca-
nonibus hujus Concilij Constantinopolita-
ni, scilicet pro tractu quadam & diversarum
provinciarum collectione, quæ Prefecto
prætorio aut ejus Vicario parebat in
causis civilibus, Exarcho vero in causis ec-
clesiasticis. Itaque cum Imperium Orientis
divisum esset illa temestate in quinque
Dioceses, Ægyptiacam videlicet, ori-
entalem, Thracicam, Ponticam, & Asia-
nam, Concilium Dioceses ecclesiasticas
partitur in totidem synodos. Ex Notitia
porro Imperij constat quinque in Ægypto
provincias fuisse, quarum caput erat Ale-
xandria; in Oriente, undecim, sub Antio-
cheni civitate; in Ponto, decem, sub ci-

vitate Cæsareæ Cappadociæ, quæ urbs re-
gia Ponti fuerat. Asiana, cuius metropolis
erat Ephefus, in Asia proconsulari sita, con-
stabat pariter ex undecim provinciis. Thra-
cica vero sex provincias complectebatur,
& in his, provinciam Europam, in qua He-
raclea metropolis Diocesos Thracicæ. At
Byzantiorum civitas, quæ quondam me-
tropolis fuerat, amissam dignitatem recu-
peravit; quæ in civitatem Heracleensem
translata fuerat ab Imperatore Severo post
exsuum ab eo Byzantium. Amplificatae in-
fuit ejus maiestas post Constantinum mag-
num, cum felicibus nominis ejus auspiciis
reædificata fuisset civitas, in eaque posita
sedes Imperij orientalis, ornataque fuit pri-
vilegijs antiquæ Romæ.

III. Dioceses itaque ecclesiastice or-
dinatae sunt ad exemplum dispositionis ci-
vilis Dioceseon; ita ut prima criminum
Episcoporum cognitio pertineret ad syno-
dum provinciae; si vero de injusto judicio
querela moveretur, deferri illa debebat ad
synodum Diocesanam, quam Exarchus
convocabat absque speciali permisso Im-
peratoris. Itaque Patriarcha Alexandrinus
convocabat synodum Diocesos Ægyptia-
ca, id est, synodum sui patriarchatus. Pa-
triarcha Antiochenus convocabat Dioces-
sim orientalem, hoc est, patriarchatum
Orientis. Episcopus vero Cæsarea Cappa-
docia, quæ caput erat universæ Diocesos
Ponticæ, synodum ejus Diocesos congrega-
bat, ut constat ex Gregorio Nazianzeno in vita Basilij. Episcopus Ephesinus Asia-
nae Diocesos Exarchus erat, synodique
generali ejus Diocesos presidebat. Quid
attinet ad Diocesim Thracicam; ea specia-
li curæ Episcopi Constantinopolitani com-
missa est in hoc Concilio, ut diserte adno-
tavit Socrates. Sed præter administratio-
nem illam, privilegium honoris ei tributum
est post Episcopum Romanum, ante ceteros
Exarchos, eò quod Constantinopolis
esset nova Roma.

IV. In hac divisione conservata sunt
privilegia provinciarum & magnarum Ec-
clesiarum, quæ in Concilio quoque Nicæ-
no confirmata fuerant, ut inquirint patres
Constantinopolitani. Omnia hec magnifi-
ca esse video pro dignitate Ecclesie; quæ
auctoritate hujus canonis liberata est a pe-
tendis ab Imperatore Conciliis adjudicandas
Episcoporum depositorum querelas;
adeo ut synodi Diocesane in synodos or-
dinarias versæ sint, cum antea extraordina-
riæ essent, neque convocari possent absque
literis Imperatoris. Sanè cum hi canones
novam politiæ exterioris formam constitue-

rent in Ecclesia, tametsi in melius mutaretur, Concilium hujusmodi innovationis confirmationem petuit ab Imperatore Theodosio, ut constat ex epistola synodica; non autem à Concilio Romano, tametsi aliam quoque synodicam epistolam ad illud derit.

V. Video quidem opponi posse adversus hæc quæ diximus quoddam velut silentium hujus canonis, qui disertam mentionem non facit horum duorum graduum jurisdictionis in accusationibus Episcoporum, ideoque videri non introductum fuisse ab hac synodo Constantinopolitana ut prima harum accusationum cognitio pertineat ad Episcopos provinciæ, secunda vero ad synodum generalem Diaœcesos. Sanè non diffiteor quin argumentum illud in speciem sit fortissimum. Contendo tamen satis mentem suam explicare patres Constantinopolitanos, ex eo capite, quod harum quinque Diaœceleson limites assignent ad tractandas causas ecclesiasticas, & quod nihilominus intactam esse velint synodorum provincialium auctoritatem canone Niceno constitutam. Harum autem potestatem hanc esse volunt ut causæ suo jure definitant, ea tamen lege, ut causæ quæ synodorum Diaœcesanarum cognitioni tributæ erant, velut depositiones Episcoporum, in synodo Diaœcesana retractentur, in ceteris vero capitibus, nihil derogetur supremæ provincialium synodorum auctoritati.

Servata vero, inquit canon, que scripta est de gubernationibus regula, manifestum est quod illa que sunt per unanimamque provinciam, ipsius provincie synodus dispenset, sicut Niceno constat decretum esse Concilio. Hi gradus jurisdictionis luculentius explicantur in canone sexto ejusdem Concilij; qui extat in collectione Græca, licet defideretur in Dionysiana: Inbet sancta synodus, primum quidem apud provincie Episcopos accusationem persequi, & apud eos probare crimina Episcopi qui accusatur. Quod si evenerit ut provinciales Episcopi crimina que Episcopo intentata sunt corrigerem non possint, tunc ipsos accedere ad majorem synodum Diaœcesos illius Episcoporum pro hac causa convocatorum.

V. Quæri potest an judicia sic definientur in his synodis Diaœcesanis ut locus non fuerit appellacioni aut querela ab una ad aliam. Verum inutilis est hæc quæstio, cum institutio illa synodorum Diaœcesanarum non ob aliud facta fuerit quam ut confusione illi iretur obviam, & ut caveretur ne quis Exarchorum, aut ipsius synodus, causas alienas Diaœcesos ad se traheret; ut diserte scriptum est in initio hujus canonis:

Qui sunt super Diaœcesim Episcopi, nequaquam

ad Ecclesias qua sunt extra terminos sibi praefixos accedant, nec eas hac presumptione confundant. Qui in hac Dionysij verione vocantur Episcopi qui sunt super Diaœcesim, iij in contextu Greco dicuntur Εξαρχοι τῆς Διοικήσεως, Exarchi Diaœcesos, & in versione Latina Primates.

VII. Apertiū & luculentius explicatur suprema Conciliorum Diaœcesanorum in iudicis faciendis auctoritas eodem canone sexto; quo decernitur eos ad accusationem admittendos non esse qui ad Imperatores vel ad tribunalia magistratum accederent, vel universalem synodum perturbare conarentur, contemptis universis Diaœcesos Episcopis, πάτερες ἀπομονώθει τῆς Διοικήσεως ἄποδοτες. Constat sanè ex historia ecclesiastica canones illos (qui jus suum Imperatoribus auferre non poterant, sicuti nec volebant, cùm nihil in eis continetur quod Principes removéat ab hac cura) non oblitissim deinceps quin Imperatores Concilia ex diversis Diaœcesibus congregaverint ad judicandas Episcoporum causas. Verum nihilominus semper est eam Concilij Constantinopolitani patribus mentem fuisse ut perpetuam regulam ederent quæ synodis uniuscujusque Diaœcesos conservaret supremam potestatem in iudicis de disciplina ferendis. At Theodosius Imperator institutionem illam approbare noluit, ne juribus Imperij vulnus inferri consensisse videretur. Vnde factum est, ut ego quidem arbitror, ut cùm synodus ab eo petivisset confirmationem suorum canonum, ipse eam concedere noluerit. quod colligi posse existimo ex collectio-ne Græca à Dionysio Latine versa, in qua omisso est hic canon; tametsi postea Græci eum descripserunt in ultima collectione sua edita in synodo Trullana.

VIII. Eadem synodorum uniuscujusque Diaœcesos suprema in ferendis iudicis auctoritas colligitur ex epistola quam Cyrillus Episcopus Alexandrinus ad Dominum Episcopum Antiochenum scriptit in gratiam Petri Episcopi; quem Dominus inauditum deposuerat, negata etiam licentia defensionis. Is ergo Cyrilum & Proclum Constantinopolitanum adiens, querelam suam ad eos detulit, oravitque ut se gratia & favore suo juvarent apud Dominum. Ea de causa Cyrilus epistolam dedit ad Dominum, quam Græci posuerunt inter epistolas canonicas. In ea vero Dominum moneret ut senis istius lacrymas temperet, eisque defensionis locum præbeat secundum morem, id est, Domino coram & Episcopis qui ei subsunt; iis tamen exceptis quos velut suspectos Petrus recusabit, ad vitandam iudicij nullitatem. Vnde

discimus à Patriarchis illis suscep tam non fuisse hujus Episcopi querelam, ut de ea cognoscerent, sed eam ad synodum patriarchalem Antiochenam dimisisse, illic iudicandam secundum morem.

X. Concilij Constantinopolitani regulæ confirmatae sunt duobus canonibus Concilij Chalcedonensis Oecumenici quarti, quod tamen novam in Oriente distinctionem introduxit, quoad judicia Episcoporum. Distinguit enim inter Episcopum & Metropolitanum. Iubet autem in canonibus **ix.** & **xvii.** ut prima de criminis Episcopi cognitio instituatur in synodo provinciali, Metropolitanus verò ab Exarcho Diceceos, sive throno Constantinopolitano. Nihil in his canonibus obscurum, si disjunctiva explicationem excipias: *Quod si quis à Metropolitanu leditur, apud Primum Diceceos aut apud Constantinopolitanam sedem judicetur.* Sed ut vim hujus difficultatis facilius assequamur, observandum est hos duos canones fuisse decretos ante constitutionem patriarchatus Constantinopolitani, & ante quam Pontica & Asiana Diceceos ei subjicerentur. Id autem non contigit nisi in actione ultima Concilij, quod Legati apostolicae sedis ei novitati intercessissent. At canones **ix.** & **xvii.** qui sedi Constantinopolitanæ tribuunt auctoritatem judicandi Metropolitanos, nullo fragante decreti sunt, extantque in collectione Dionysij, sed **xxvii.** canon, cui contradicuntur ab Legatis, in ea omissus est. Interpretes Græci Zonaras & Balsamo non agnoverunt istam difficultatem. Quapropter non excurrunt ultra interpretationem quæ statim occurrit, eo nempe canone tributam unicuique Exarcho protestare judicandi Metropolitanos qui ad ejus Concilium aut Dicecem pertinenter, exempli causa, sedi Constantinopolitanæ tribuunt jus judicandi Metropolitanos ad Concilium Constantinopolitanum pertinentes. Supereft igitur ut intelligamus quinam Metropolitanus ei subjecti essent antequam Diceceos Asiana & Pontica ad ejus Dicecem patriarchalem accessissent. Non me latet ei competitissimum jus præsidendi synodo generali Thraciæ, quod sedes Constantinopolitana, quæ erat in provincia Europa una ex provinciis Thraciæ, ad honorem secunda fedi evecta esset. Sed ne quid dissimulem, magnificum prorsus est quod ex ipsis verbis canonis colligitur. Nam sedi Constantinopolitanæ, quæ certam Dicecem patriarchalem nullam habebat, tametsi prærogativam Patriarcharum obtineret, jus tribuunt judicandi Metropolitanos totius Orientis; atque id quidem non post appellationem à

judiciis reliquorum Patriarcharum, ut p'acuit Hincmaro, sed præveniendo Patriarchas, ad arbitrium conquerentium Patriarcha verò Constantinopolitanus causas illas judicabat in Concilio extraordinario, quae de nos alibi accurate differimus. Ceterum Græca collectio canonum, quæ canone primo Concilij Chalcedonensis firmata est, quæque Latinè versa est a Dionysio Exigo, non complectebatur canones Sardicenses, neque etiam Africanos, quos à se collectioni Græcæ additos fatetur Dionysius. Hæc sunt ejus verba in epistola ad Stephanum Episcopum: *Tum Concilij Calcedonensis decreta subdentes, in his Grecorum canonum finem esse declaramus. Ne quid præterea notitie vestre credar velle subtrahere, statuta quoque Sardensis Concilij atque Africani, quæ Latinè sunt edita, suis à nobis numeris cernuntur esse distincta.*

X. Distinctionem à Concilio Chalcedonensi introductam amplexus est Imp. Iustinianus, qui illam in Novella constitutione **cxxxii.** cap. **xxii.** itemque in **cxxxvii.** confirmavit. Iubet autem conceptis verbis ut Episcoporum causas judicent Metropolitanus & synodus provinciæ; in casu verò appellationis, Patriarcha uniuscujusque Diceceos. Eadem tribuitur prima cognitio causarum eorum Metropolitanorum qui ad patriarchatum ejus spectant, interdicta prorsus appellatione à iudicio Patriarcharum: *Nullo iis que ab eo constituantur valente resistere, οὐδέποτε τοῖς παρ αὐτῷ τυπούσιοι ανέλεγεν διωμόθεον.* Græci semper eo jure usi sunt; ut colligitur ex titulo **ix.** Nomocanonis Photij, & ex Zonara & Balsamone in commentariis ad hos canones.

XI. Ex his autem quæ hoc usque diximus constat canones Sardicenses, qui Pontifici Romano tribuunt protestatem decernendi revisionem in gratiam Episcoporum depositorum, nondum receptos fuisse in Oriente, neque à Concilio Constantinopolitano, nec à Chalcedonensi, nec etiam ab Imperatore Iustiniano; cum manifestum sit Patriarcham uniuscujusque Diceceos solitum judicare de his depositionibus definitivo decreto, æquè ac de ceteris omnibus causis quæ ad disciplinam pertinebant. Attamen synodus in Trullo, quæ anno sexagesimo nonagesimo secundo congregata est Constantinopoli, in sua collectione describi justit canones Sardicenses, & inter hos, etiam illos tres qui ad Episcopi Romani auctoritatem pertinent. Verum non ea fuit hujus synodi mens ut propterea jurisdictioni Episcopi Romani submittere voluerit appellationes Episcoporum, cum in eadem collectione

Iectione extant canones secundæ synodi Oecumenicæ, atque item quartæ, qua unicuique Patriarchæ supremum harum causarum judicium commiserunt. Nihil ergo aliud voluit Trullana synodus quam offendere quænam auctoritas Pontifici Romano competit in suo patriarchatu, cuius limitibus circumscribit potestatem ei quæsitam in canonibus Sardicensibus, tum etiam ut ostendat eam auctoritatem illi tributam esse, non à Concilio Niceno, sed à Sardicensi. Eanamque est observatio Zonarae ad canonem quintum Sardensem: *Nequis igitur hic canon à Nicena synodo editus fuit, neque ad ipsum (id est, Romanum Pontificem) provocaciones ab omnibus Episcopis, sed ab iis tantummodo qui eidem subjecti erant, dari oportere decernit.* *Ἐπει τὸν εἰς Νικηανὸν ἔτην ὁ Κύπριος, Ἐπει τοῖς τοῦ Καλαχάτου Ἐπίσκοποι αὐτὸν αὐτῷ, ἀλλὰ τῷ πατρὶ τούτῳ μένειν.*

XII. Verum licet ea Græcis mens esset ut effectus canonum Sardensem egredi Occidentem non posset, Pontifices tamen Romani contendebant eos obtinere debere in universa Ecclesia; ut constat ex epistola Papæ Leonis primi inferius laudata, & ex commonitorio Gelasij Papæ ad Faustum, cuius verba necessariò intelligenda sunt de canonibus Sardicensibus: *Ipsæ sunt canones, inquit Gelasius, qui appellations totius Ecclesie ad hujus sedis examen deferri volvere, ab ipsa vero nusquam prorsus appellari debere扇serunt, ac per hoc illam de tota Ecclesia judicare, ipsam ad nullius commeare judicium, nec de ejus unquam precepissent judicio judicari, sententiāque illius constituerunt non oportere dissolvit, cuius potius de cœcta sequenda mandarunt.*

CAP V T VI.

Synopsis.

I. Concilia orientalia poterant tantum decernere de causis disciplinae, ad procurandam executionem canonum. Causas autem fidei vel regulas generales Ecclesie universæ tractare non poterant absque interventione auctoritatis Episcopi Romani.

II. Hunc Romani Episcopi primatum agnoscabant orientales. Nihil in causis fidei aut de regulis generalibus definiri poterat absque ejus sententia. Socrates explicatus.

III. Hac explicari debere visum est, ne quis existimat tentatam suisse in superioribus capitibus Romani Pontificis auctoritatem. Episcopi orientales, quis Romanam fidem appellarent, exiguati fuerant propter causam fidei. Quo casu poterant apostolicam fidem appellare.

IV. Eustathius Episcopus Sebasteanus depositus ab Arianiis, literas à Libero Papa obiunxit, quarum Tom. II,

auctoritas restituta est in sedem suam. De fide agebatur. Quare magni ponderis fuit epistola illa Liberty.
V. Euyches non appellavit ad solum Pontificem Romanum. Appellavit enim synodos Romanam, Alexandrinam, Hierosolymitanam, & Thessalonensem. Appellatio facta ad Patriarchas, censetur etiam facta ad eorum synodos. Cardinalis Perrenius refutatus.

I. **A**CTORITAS itaque Concilio- rum orientalium his limitibus circumscribi debet ut decernere tantum potuerint de administrationibus & gubernationibus provinciarum, ut loquuntur canones, id est, de controversiis qua incident in executione canonum de disciplina ecclesiastica latorum. Nam quoad causas qua ad fidem spectant aut regulas generales Ecclesie universæ, certum est eas definiri non potuisse absque interventu auctoritatis Episcopi Romani. Quoniam cum cathedra Petri ea sit ex qua unitas sacerdotalis exorta est, ut loquitur Cyprianus, par erat ut reliqua Ecclesie necessitate communionis unirentur cum Ecclesia Romana, eamque colerent tanquam caput & centrum unitatis, ut verbis Optati utaramur. Constituto namque capite in Ecclesia, quemadmodum in collegio apostolico fuerat constitutum, sublatas erant occasiones schismatum & hæresis, ut observavit Hieronymus: quoniam ea ratione constitutus erat thronus qui radix & origo erat communio- nis omnium Episcoporum Ecclesia Dei, unde in omnes venerande communionis jura dimanant, ut aiebat Concilium Aquileiense genera- le sub Ambroso. Huic enim sedi omnes Christiani adhaerent inter factiones & dis- fidia aliarum Ecclesiarum, exemplo Hieronymi, qui in trium Patriarcharum schis- mate, quo Antiochena Ecclesia laborabat, ad Damasum scribens, ait: *Beatus tuus, id est, cathedre Petri, communione consor- tis.* Hunc Romani Pontificis primatum agnoscabant orientales, ut constat ex epistola synodica Concilij Chalcedonensis ad Leonem Papam, in qua eum disertis verbis vocant caput universalis Ecclesie. At ex primatu illo jus quoddam eximum sequebatur, quod Romano Pontifici competebat, absque cuius interventu non licebat causas fidei definire nec generales regulas condere pro Ecclesia universa. Hic enim sensus est ejus legis ecclesiasticae cuius mentionem facit Socrates, quāque Iulius allegabat adversus orientales, nimirum Ecclesias non posse canonizari absque sententia Episcopi Romani, id est, novas regulas, & canones generales, a quibus aliquid introduceretur adversus vetustam consuetudinem, decerni non posse quin Romanus Pontifex deliberationi in-

Vide supra lib. 18 cap. 10. §. 2. in margini.

Vide supra lib. 18 cap. 10. §. 2. in margini.

Vide supra lib. 18 cap. 11. §. 1. & in Additione.